



十三

08329

刪後詩存卷之九

客星山人陳梓古銘

今體詩三



楷瘦杯和芬佩

乘興尋初約深盃莫放乾不材成器晚無足立身寬  
法誰工畫花紋耐醉看故交俱瓠落搔首各長嘆

田家雜咏九首和俠安

存四

亂石竹開逕矮樹藤爲門籬邊雞哺子竈下犬生孫  
臘蚤梅蕊黃秋晚菊稜白一醉坐茅檐滿懷春拍拍

刪後詩存

卷之九

一

逐末空自豪力田計誠良山外日苦雨村中有夕陽  
蘭漿從隣操土墻喚兒築鴨雛浴當溪飛鷹不來攫

和友人客星山紀游韻

客星客稀到虛號累名山雲物襟期外風規想像間何  
年歛竹笠落日扣松關自笑羊裘傲家鄉老未還

桐江留一綫漢鼎續幾希空谷無人弔孤雲出岫飛惟  
君披宿莽與客拂征衣歸棹頻回首挑燈話翠微

有約再經過閒時本不多畫來從客玩詩就遣兒歌鹿  
畔分眠草鷗邊借狎波何心辜負得白首更蹉跎



玉蘭花

一株香雪冠林椒日暮微風影獨搖與月寫愁銀掣筆  
爲天承露玉擎瓢無勞碧葉增幽韻自有清標倚絳霄  
不染纖塵君愛否是誰錯認董嬌嬈

輓表兄潘玉振父子

已未二月十四晚大風覆海舟死百五十人  
玉振父子與焉次日僅得子屍尤可傷已

海風底事力摧桅已矣狂瀾挽莫回寸舌無存儀悔否  
片肝不剩演傷哉豈緣魚腹新營兆敢是龍宮近築臺  
六尺皮囊君肯戀飄然隨處是蓬萊

刪後詩存

卷之九

二

奉親走險欲如何百鬼含愁爾獨多兒骨已埋依故壟  
父屍何在屬洪波空城潮打荒荒月遠浦山沈滴滴螺  
贏得騷人憑弔處石床臨帖泣曹娥

集杜題梅津草堂

白屋留孤樹淒然漠苑春寸腸堪繾綣萬事益酸辛翻  
動神仙窟調和鼎鼐新晚酣留客舞滄海潤無津

汪津夫梅津圖

天空地濶此扁舟寂寂梅花古渡頭不是餌魚貪弄月  
寒光萬點一罾收

寄女含芝

江頭寒食柳絲斜身在家鄉日憶家雙鯉迢迢無別語  
丁寧第一護蘭花

題從子庶咸所藏仇子洲山水殿閣

素樓漠殿鎖烟霞恍有泉聲遶碧紗  
桂子不生秋欲暮  
落花無恙月沈槎  
幽琴客白驚心鼠曉夢人猶理髻鴉  
寒具只今誰惋惜年年清淚濕蒹葭

次姚書田韻咏百合花

漠漠輕風遞暗香玲瓏心竅箇中藏  
全身靈氣著鎔骨

刪後詩存

卷之九

三

六瓣眞容雪塑妝瑤圃仙人脂玉仰  
雲林高士白羅裳  
相逢石遍圍圍看贏得新篇綴錦囊

子午蓮

平分晝夜自鳴鐘不信奇花也躡蹤  
直抵谷名雲靄靄  
儼隨潮候雪溶溶六時送運開還合  
一綫乘除淡又濃  
若使濂溪今入座光風霽月更從容

和白雲居解嘲

苦厭蜂喧與蟻腥雙扉支石自怡情  
不堪持贈多遭忌  
儘許流連底用爭  
喚喚易汗惟默省紛紛難白共誰盟



秋來鳳穴諧雙侶無辨應知息謗聲

望夫石九首

存三

鏡石心腸入畫圖露涵雙眼不曾枯人間多少風流女  
笑爾勞勞望一夫

夜夜涕揮雨朝朝髻挽雲石榴相傍發猶是嫁時裙

日極征帆杳荒山夜泣發背堪題幼婦佩可勒貞姬月  
照眉還斂雲歸夢欲迷空餘藤帶綠一束瘦腰支

山家

移家高嶺北結屋坐松雲良日憑峰選幽泉與鹿分養

刪後詩存

卷之九

四

蠶粗給稅課子漸能文選選留賓醉溪邊話夕曛

蚊入枕

申旦稀交睫嚶嚶入箇中惱人吟特苦利我耳將聾欲  
撲安施技全生何太工城狐與社鼠感嘆正無窮

答鈕靜瀾

山齋岑寂手抄方每笑鉛刀善自藏感事始于焚稿後

懷人多向落花旁怕相逢處頻揮淚幸不來時免覆觴

一卷踰淮忍翻閱

令子草亭集

秋耿耿夜偏長

別甥金方程

生汝果何謂蒼天默自呼兒惟知有母妻不以爲夫破  
悶書苔壁含愁聚石徒誰爲從并救坐見日淪胥

次從子遊吼山韻志別

載酒登濠濮斯遊我不如岸危溪落後山迴雪飛初別  
意看孤雁雄圖想巨魚那堪幸好景垂老數歛歔

耳鳴

漸老厭聞問譁然徹四更陸居同海泊春夜起秋聲反  
聽心逾靜恬懷境本清不須尋服餌世事總難平

舟中卽事

刪後詩存

卷之九

五

草密花稀又暮春一篙烟艇問迷津風雲過眼塵埃事  
存沒關心泡影身不信尊前搜韻客謬爲燈下索逋人  
青蓮玉潤還無恙終擬溪南結近隣

寄懷蔣擔斯

匹馬空沙漠途窮興未闕鄉心干驛亂劍影一燈寒默  
想誠何爲憂懷善自寬兩峰紅葉候待爾碧雲端

九月將歸

寄從子謹園

越山杳藹夕陽低一片奇雲水閣西剪斷夢魂江燕駛  
帶來鄉信洵鴻稽違心事事堪椎血障眼蒙蒙未刮篋



終擬打包棲舊隱石牕同聽旭晨雞  
過葭溪卽席作

宛轉書難達拏舟馨面談雲翻梅雨幻烟簌竹風酣適  
興涵杯底憂端撫劍鐔昏鴉何足數竚看翥飛南

寄懷沈俠安客徐州豐縣

傲骨塵中老良時馬上過低徊蕭子國跌宕大王歌生  
色河山在思鄉雲水多柿林醅正熟待爾瀉黃鶯

憶從弟容燕盞前韻

眼青誰授長生訣頭白輕拋託命錢歸夢似雲來便去

刪後詩存

卷之九

六

容愁如草蔓難芟鳶肩自笑雷鳴腹馬鬣頻傷雪滿衫  
賓雁幾回聲嘹唳年年望斷越江帆

題鷹

九月得霜翎翮健一鳴二鳥噤無聲邨家中尉今何在  
秋柳疎疎曉月生

題墨榴

茫茫穹壤隻身留枝葉紛披兩髻秋顛顛酸心拋不下  
自研濃墨畫雙榴

張次亭年六十飄泊江湖寄三詩索和

存一

墜車不頽說神全心法多從象外傳四海客身過甲日  
一生腕力補戈年偶然得句狂於白且未論書醉已顛  
帶雪餐梅真韻事無勞火棗上賓筵  
次答表姪孫楊翽山當學志未衰大人賦  
竹影雪初障蕉陰楮未裁苦吟生白髮兀坐過黃梅夢  
覺空塵界江寒有釣臺紛紛誰可侶惟許白鷗來

紙貴虛叨賦詩慳抵索逋久甘蒙雪臥不想順風呼混  
俗隨牛馬僦天任鵲鴣來賤驚老拙把鏡認今吾

贈李漁邨

刪後詩存

卷之九

七

耆舊新溪更有誰青蓮白髮坐支頤扶藜老友尋花逕  
索棗諸孫傍酒卮前月耳聾差省事中宵夢醒獨吟詩  
膝窩可許長聯榻重九年年拘菊枝

九日過費氏瓶廬

結構留精舍真傳縮地方唾壺歌可缺欵器膽須嘗供  
養三危露芳菲一逕香誰當挈之去雞犬入仙鄉

勺水花何艷全林當折枝虛中堪貯月守口不關池壘  
恥春深候尊空客滿時我來期盡醉汲纒坐論詩

答金蘇世韻



羞從麋鼠濫分腴收拾殘山入畫圖鳳影參差虛長竹  
雁聲哀咽失銜蘆朔風滾滾雲沈嶂落日荒荒雪載塗  
臘月具區梅發候相逢只恐淚如珠

去年梅開裳  
吉約遊洞庭

借沈南谷看菊

誰貯名花僻逕中扣扉不惜遶池東秋霜巧鑄金錢大  
仙露高擎玉盞空鬪韻雅宜銅水鉢照人何藉紙屏風  
近來洋種誇妖麗莫餉東籬惱醉翁

題吳嵩畫題石壁者

遇客沉吟久下鞍不知何語動人寰世間巧拙常相笑

刪後詩存

卷之九

八

題者何如看者閒

橋李城懷古二首

存一

由卷今號小長蘆樂府猶傳阿子歌學繡里空花糝徑  
傾脂河淺日沈波草荒嚴助誰澆鬣亭迥希真客泛螺  
南渡蒼涼遺恨在不堪指點舊金陀

答從子韻

贈雲樓北夢紅蕉咫尺娥江百舍遙七字推敲徒自許  
千秋塊壘倩誰澆丹心瀝盡如筍酒白髮梳殘似退潮  
感慨不緣能兆絕斯文後起實寥寥

答陳臯如韻

吳越成行腳何鄉是定居浮沉看野馬天地一蘧盧羨  
子晨趨侍呼兒夜課書詩能追伯玉文更匹相如

冬夜宿漱芳塾用秋槐堂詩韻二首

存一

底用聞雞舞聽君續短歌食貧經事鍊垂老闕人多字  
瘦思穿石詩雄夢枕戈逃虛猶有地何惜數經過

天香題鈕膺若遺照

開卷忽大笑公真不死耶如何六年別相判九原賒幼  
子今埋壑窮髮夜紡紗空餘故人淚薄暮洒天涯

刪後詩存

卷之九

九

葭溪感懷次裳吉韻

十年興會總成塵坐照葭溪白髮新泉下弟兄殘臘夜  
天涯朋舊草堂春燒燈苦索迴腸句煖酒閒看冷面人  
觸我見聞增惻愴屋頭梟鳥塚邊燐

喜張漢木過談

十里乘清曉開門一棹橫縱談無俗事動念切民生戒  
飽剛腸在衙盃軍令行

不食石首魚酒  
必以三爲度

莫從葱嶺去吾

道藉干城

宿新溪戚時霖寓



石尤風阻故人家子夜高吟月半斜三復岳王敗下句  
流殘燭淚不成花

輓鈕靜瀾

自喪佳兒蚤喪神卯年強活到庚辛如今泉下團圓處  
轉勝生前慘惻人大塊欲沉秋雨酷重陽無主菊花新  
一樽黃酒空瘞土老眼模糊淚滿巾

產鶴四咏爲曹六圃作

鶴交

兩眼相看證舊盟芝田種玉玉初萌星星仙語網繆久

刪後詩存

卷之九

十一

脉脉靈丹醞釀成不見乘居徒矯俗時來狎處太鍾情  
此間調劑天機在一闕河洲爲爾賡

鶴巢

小飛來下影婆娑兵爪掄材集敗柯無藉半公誇善舞  
不妨雞樹轉營窠蕭疎松葉仙人宅零落梅花處士窩  
多少乘軒供一笑古今城郭問誰何

鶴卵

藉草團團白更腴銜來真似掌中珠渾淪一氣鎔銀繭  
收拾三山貯玉壺丹頂淡時心血盡紫紋深處羽

一作  
發

毛敷問君火候何時到肯比蜂腰七日呼

鶴雛

中宵破殼漏初陽忽聽圓吭引頸長  
藹藹乍疑君子化  
翩翩漸學令威翔  
燕膺鳳翼符靈種  
紫葢青田憶故鄉  
肯與池塘供玩好  
卽看萬里暮雲蒼

賦得驟雨鬧芭蕉

種紙供書案何來惱  
夜眠千峰驚瀉瀑  
萬矢急張弦  
波浪翻青嶂  
龍蛇攪綠天  
曉窗霞已霽  
雙耳尙轟然

小春枯坐有感得雪漁詩

刪後詩存

卷之九

士

積潦初晴應小春  
古牆竹色照牕新  
臨碑琢就雙鉤玉  
把鏡貧餘兩鬢銀  
學術轉關天漸醒  
世風趨壑海生塵  
重江人隔詩偏到  
煖酒孤吟浩氣伸

和雪漁梅津草堂竹枝詞四首

日午不炊乾鱸瓜  
檢書手倦眼雙花  
高吟自笑頭空白  
摘得名聯數百家

老雨昏昏

喪

鴝鷓時上屋頭鳴  
先生獨抱焦桐臥

一枕松風夢短

半節龍身畫折枝  
錦箋連曉與裝池  
不曾一瓣經年落



敢有腥風向爾吹  
鼻息夜中參子半  
脚跟床下凜坤初  
梅花消息難傳處  
雪屋還應叩老漁  
又和三首  
藥爐茶灶傍烟低  
窗紙新糊壁研泥  
一箇瓦盆堪送老  
不勞持贈玉東西  
草堂主人興太癡  
好醉如何更好詩  
減却一宵酩酊恨  
借書又費酒三瓶

刪後詩存

卷之九

七

魚來比目猶沉影  
鳥欲橫飛敢畫眉  
誰折桃花呼晚渡  
寒風已向手中吹

六日同人集定泉書舍嘗女貞酒限粘字

淡淡春風乍入簾  
高朋喜協盍簪占  
須眉如雪誰當壯  
日月煎膠不易粘  
幸有村醪供笑諱  
可無莊語代箴砭  
播揚芳烈三清在  
調劑剛柔一味兼  
桂醕難筭疊欲恥  
蘭英可並價仍廉  
淋漓詞伯扶頭重  
遊戲佳人蘸指尖  
座間戲呼南谷  
爲南國佳人  
便使吐茵憑竹杖  
何妨墮幘跋銀蟾  
吾詩倘抵冬青引  
穩賺諸公到黑甜

蠶日集玉山草堂用黃葉村庄詩韻

前夕吾廬花乍開玉山今又促盆梅  
鬢邊臘雪陳陳積  
杯面春風細細來老子已甘饑  
自斷兒曹底事雉爲媒  
祈年但祝逢蠶熟寂寞生涯故紙堆

寄張倫表時客宿遷

鍾吾名勝馬陵峰  
暮容遨遊酒醖濃  
八十老親還健飯  
家書不遣說龍鍾

方鏡

咸陽宮裏何年鑄  
多少妖魔遠遁藏  
妝閣漫容誇六辨

刪後詩存

卷之九

三

桑門未許借圓光  
面團爾訝三重甲  
心正人驚四角芒  
不獨姮娥羞澁久  
碧翁亦恐欠清剛

卽山居次朱生韻呈朗行

南宮何藉染毫濃  
幽壑深崖四壁封  
巉瀑祇聽墻下水  
庭柯便當嶺頭松  
依稀少室勤宵課  
閤寂天台鳴午鐘  
此景眼前輸二子  
坐看雲氣博山峰

次養吾韻咏雨四首 存二

乍看蒼色轉仰聽  
竹聲無燕舞潛霑  
羽蜂回覺潤鬚土

慳難破塊荷淨不成珠  
却怪斜風挾書牕  
記窳糊

微雨



暗雲翻墨色平陸走潮聲金鑄旋圍射銀河忽倒傾蕉  
喧張碧蓋松吼駕蒼精勢焯原無幾斜陽已放晴

驟雨

將之汜水留別同學二首

難了向平願遠遊興轉豪虎牢思攬勝鳩杖肯辭勞楚  
漢餘兵氣商周沒野蒿金明池上月照我醉揮毫

壯圖餘短劍策馬古峭關邑乘搜奇迹鄉雲動遠山家  
書鴻影亂別緒菊花斑後夜相思處秋江白鷺灣

汜水道險患疝不便蹇驢不果行壘前韻

老病終前却平生枉自豪山川縈夢寐鞍馬念劬勞紀

刪後詩存

卷之九

古

信祠啼鶻澹臺塚沒蒿無由親酌酒想望一宣毫

壯遊成畫餅株守媿柴關止水仍涵井閒雲懶出山傍  
爐烟篆曲攜杖石苔斑只此堪乘興維舟古樹灣

初雷和漳浦王直夫

起處從誰問俄驚病耳轟數聲騰九地一怒活羣生冰  
沍機潛轉顛愚夢乍清無勞頌威福造物本難名

雲中寄汪津夫

天惜梅花不浪開高封五尺玉崔嵬先生且莫開招徠

獨枕騷經醉百回

讀薦青山人曉集  
天空孤鶴下快眼曉巢詩白壁輕投我蘭芽一咀之風  
神何淡宕山水自清羸薄暮蒼蒼雪名言欲告誰

寄雪漁

南望四明雪老漁餘短蓑百年知己在五字寄君多沉  
痛生前忍歡娛夢裏過傷心寒食樹原上綠婆娑

郡解梅花次諸襄七韻

彷彿西園取次橫冰心不肯向風傾補之可許圖紅影  
五馬仍標處士清

刪後詩存

卷之九

五

冷香淡淡玉琴橫第一杯中月細傾莫便跨驢輕索笑  
畏人知處抵河清

答沈俠菴下相道中見寄二首

落日征帆杳衰天病骨支一江喚夢斷五字有心知雪  
阻春前信風傳客裏詩數州河屢決存者命如絲  
蹙蹙終何騁傾囊遍買隣釜魚沾薄味賓雁協同寅四  
野凋殘後空江寂莫濱不堪紅淚燭憶我白頭人

罌粟花爲劉讓木作

昨暮歌桃葉新傳種玉方風傾千朶艷天雨去聲一庭芳



出小徵家兆盈囊祝歲穰淮南仙術秘鴉片密收藏  
挈瓶非小智抱甕不虛營下種黃鸝罵開花紫燕驚玉  
房收御米菽乳佐香羹莫遣風輕覆高春擬泛觥

不浪舟爲鍾曉蒼題

畫船如屋人爭羨一夕風濤或撼之豈似此間長穩適  
不關浮世涉憂疑竹牕月影同波泛水檻鷗聲與夢隨  
萬里河源真可溯榕工高坐日哦詩

檢舊稿失三之一

唐瓢誰接得秦火或殲之天地吾心在文章爾數奇追  
刪後詩存

卷九

六

亡髭費撚搜逸口無碑枝葉原須棄何勞問拾遺

寄懷關中張西峴

虎林篷底話廿載感相知蜀道來何險秦關去獨思  
謳歌停蓋處嬰鑠據鞍時笑我甘岩壑閉雲照酒卮

金山

廿載夢勞今始遂船牕喜見曉雲升一莖擎出青蓮朶  
墨浪鍤空紫石稜容有洞龍聽我賦竟無詩處挈誰登  
怒濤緬想蘄王捷此日猶聞戰鼓騰

焦山

不遑孟河安得此高吟共爾吐精靈孤峰磅礴雷靈激  
萬木蒙叢鬼物憑瞬息快觀償過客尋常清福屬山僧  
何緣結屋幽巖坐塌盡碑經借佛燈  
法海寺

平山未上此登臨已覺蟾光占二分腐草不留螢照水  
瓊花何處鶴穿雲竹西歌吹成漁唱江左風流蕩海氛  
尚有招提供眺覽滿川鷗鷺白紛紛

此類平山堂

體裁與空門歌句

名勝譁傳歷代那來遊眞使寸心降松濤入夜聞秋雨

刪後詩存

卷九

七

山色橫江挂曉窗泉閣古今仍第五人經六一竟無雙  
比隣傑閣丹楓艷徒與空門建法幢

江上

暮年當旅宿不睡似魚鰓潮長懸檣動風平把柁閉雞  
聲半江月旭影一痕山百里毘陵近香膠潤客顏

斟酌橋

攜得秦郵酒停橈試淺斟浪花風浙浙烟樹碧森森領  
畧微醺趣昭融獨醒心解維懷往蹟爲爾數沉吟

不登五人墓

此類高句其類五詩體加



尙有行人薦濁醪至今大義在蓬蒿羣鴉不集松陰靜  
一鷺何存墓碣高虎阜增光寒射月龍泉入地碧凝膏  
英明登極誅奸璫厲鬼宸衷默相勞

郭璞墓

埋向中流爾獨存金焦並峙草青青覺迷一語乘生氣  
流弊千秋是葬經松下崗頭占太驗銜刀散髮術何靈  
遊仙詩在仙成否白月蒼涼鷺滿汀

聞雁

數聲天欲白高閣夢初醒道遠來何遽江空夜獨聽影  
刪後詩存

卷九

六

斜孤樹黑行急亂峯青老病同羈旅乾坤兩葉萍

題畫蛙

碧溪蕩漾雨初涼落日風迴荇藻香坐井不知天大小  
跳波安識世滄桑綠袍可式矜餘勇頰尾徒勞鑿在梁  
濠濮天懷君會否江湖機事兩相忘

送沈則菴歸苕兼柬吳滄洲

滄洲許搗絹  
爲寫小照

閱歲借吳偉重尋與石居風流工寫照憔悴轉愁余多  
難乾坤老雄圖日月虛因君聊問訊應訝少瀉書

題畫

攜杖欲何之九州曠無際初衣不染塵葉落靜歸蒂

鏡次韻二首

醜婦徒含怨衰翁默愴神枕邊憐破月塞外悔和親掩  
鼻孤吟夜知心對面人鑑湖歸未遂空照遠山颯

誰向江中鑄精靈聚百神蛟龍驚欲遁魑魅敢相親鍊  
錢能消疾磨磚在照人如何捧心女對爾學嬌聲

維揚歸答姚文格

去來千里月寂寞大江濱世外逢人少愁中得句頻醉  
看蒼狗幻閃與白鷗親此趣惟君領清吟拂我塵

刪後詩存

卷之九

九

臘梅和韻

羅浮分鏡餘菜色獨禁寒玉女釵鎔蠟金仙指撚尤雪  
欺和額裏烏怪定晴看無子堪調鼎冰花爲我酸

過茆菴點石居疊韻

寥落生涯纈著書盍簪聊復慰閒居古歡未易逢君實  
世事從來屬子虛白眼今時難自放皺眉此外爲誰舒  
精藍竹榻容高臥得暇頻過聽木魚

元人齋中入咏和竹巖

存四

蠹簡



手澤悲先世誰令置閣高十行吾敢倦百穴爾潛逃作  
枕應消妄開樽自課勞竟無樹兩脚空負此生豪

廢檠

舊績憑誰錄蠻童任倒懸蒙埃膏自潤經日血猶煎孤  
影驚春夢前身照客筵飛螢故相謔萬一死灰然

焦桐

溝斷誰相惜焚餘獲賞音儘多鴻送目不用鶴隨琴月  
淡數聲朗香清萬籟沉無弦猶自撫陶徑柳深深

舊劍

刪後詩存

卷之九

三

徒有斑斑血渾無出匣聲詩書饒塊磊草野寄干城未  
短英雄氣長涵日月精君看天外倚終不負儒生

蘭花豆

一頭仍兼九畹青四極纖手破霜翎若從棚底搜閒語  
老圃難尋種豆經

頰燕次僧韻

故壘支吾不自聊憑他鳩笑與鶯啣君看精衛忙如許  
何補滄洲萬古坳

贈同宗五山

名遊嶽  
靖江人

秋暑一庭烈蓬扉歎下春廿年疎舊好三絕見吾宗松  
冷風翻鶴雲深墨養龍頭令驅酷吏坐我碧芙蓉

一枝爲何炳黃題次裳吉韻

卑栖營小隱戢翼等巢居月挂松軒冷雲過竹牖虛心  
源非有闕身外肯求餘假榻容吾嬾來鈔種樹書

送視人齋北行

雞肋難忘苦爲貧片帆高掛月凄清群書捆載眞迂計  
三葉凋零尙遠行投老斑斑黃菊酒此生旦旦白鷗盟  
鷹青相見煩通問可許盤山一角耕

刪後詩存

卷之九

三

和竹岩九日集涵瑞菴韻

九九浮生盡厄秋茫茫下界與誰儔馬牛任與拚同謝  
雞犬能仙豈羨劉白璧幾雙驚琢句明珠一串薄歌喉  
茱萸醉看雄心在微笑憐他石點頭

哭外孫女徐阿巽書阿巽小記後

難盡形容處潛然繼以詩虛空呼欲出杳渺竟何之了  
了生應促虫蟲壽可期數行誰不朽爲爾立雞碑

題胡飛濤流民圖

練裙青袂新裝束腰鼓銅鈺舊樂章添得幾腔淒欲斷



淮南淮北說流亡

生長雷塘柳葉舟竹西歌吹數楊州小娃不識陽關疊  
搥得離人淚暗流

答雪漁見題定泉書舍韻

眞源饒活水不藉挹甘泉

湛若水字

波淨霜中月風濛雨後

天鷗棲雙翅潔魚沫萬珠圓自沐蕉牕雨衰容更矍然  
得公題品後夜夜月當中鴉語歸帆集雲來釣影空天  
懷期淡岩塵界隔冥濛縮地方能授龍泉脉可通

題倒騎驢觀梅圖

刪後詩存

卷之九

三

回味原無盡回頭正好看灞橋殊率意果老耐尋歡世  
路先驅蹟浮生退步寬名花愁背我細細傍吟鞍

寄慰雪漁喪子

不見忽五月書來有淚痕喪天亦埋玉地何窳萬

事枯蟬殼浮生一蝨禪含飴差自慰絲竹長龍孫

老病須排遣胡然抱隱憂淡黃涵海月新綠上漁舟我  
并無兒哭君應把杖投荷花涼雨後有約泛清颿

補

送表姪孫豫江之關中

親老如何數遠遊，廬陵纔到又秦州。  
旅懷不耐飢頻促，儒術原無食可謀。  
靜聽馬蹄霜月響，醉吟鞭影夕陽收。  
十棺未舉吾真媿，此去憑誰借麥舟。

吳江道中阻風二首

颯颯丹楓岸，茫茫白水天。  
一篙當逆浪，看盡順風船。  
憔悴湘纍澤，風濤如婦津。  
不堪行色暮，孤月送征人。

法海寺

其二

蜀江曲曲走龍蛇，高據層臺一望賒。  
京口濤聲流禹澤，雷塘柳色認楊家。  
入秋螺黛峯峯秀，薄暮鴉棲點點斜。

刪後詩存

卷之九

三

清磬忽飛風動竹，老僧曾說捨天花。

刪後詩存卷之九終



刪後詩存卷之十

客星山人陳梓古銘

今體詩 四

將之邦溝留別諸同學

難忘平山勝重尋第五泉行舟沿柳泊導路有梅先落  
日江濤壯長風夜雨懸不堪垂老別頰首爲青瓊  
向平愁未了千里動征驂著筮單交折年臨六十三金  
焦看不厭雲壑擬深深一卷雷塘草歸來剪燭談

留別張莘臯

刪後詩存

卷之十

一

嚴寒勞鼓棹歲晚見交情愛我如親弟堪師實老兄無  
端輕作別况復是長征聒耳驚心處前溪杜宇聲  
白髮對垂淚清樽強聚懽客中歸不易夢裏見何難天  
許雙誇健時應各勸餐長江衣帶水仍作定泉看

蘇州

烟水百城遶雲巒一帶青天生饒嫵媚土產半優伶角  
里芝何在夷光屢許聽舟師憑指點隨意泊莎汀  
東南大都會文物萃羣英忠鯁滕元發風流顧阿瑛滄  
浪魚已逝縹緲月空明謀醉無停楫烟昏望酒城

丹徒聞候潮口占

郎去經雙月潮聲百二回人言潮有信不帶鯉魚來

自吳門至京口水淺艤艘銜尾不得進

篙水無三尺檣風日怒號東南飢歉甚天意欲留漕

寄道周徐壻

遠行堪自笑顧影獨婆娑兩世惟吾在全家賴汝多新  
篁勤護筍叢樹少留柯瑣語封函囑天空一雁過

綠萼梅

綠萼乃梅中極雅淡者擬以孤山  
無子未亡人或相稱耳戲作一律

刪後詩存

卷之二

二

酸心夜夜爲孤山殘月淒涼水半灣淡掃怕教紅染蒂  
靚妝差許綠梳鬟望夫石朽魂猶戀放鶴亭空子不還  
處士再生應鑿我幾曾濃艷媚人間

寄懷謝雪漁二首

有約看榴火蹉跎送夕曛三江波渺渺一紙字云云馬  
角瞻秦月龍頭跋越雲雪船鳴櫓在髣髴夢中聞

七年蕉雨吟屐續五載幽湖淚睫雙天覩白頭餘髮在

重江添畫一重江

過潘氏嘗玉腕峯茶



不羨仙人掌來嘗玉腕茶柔莖垂嫩莢鈎弋卷微芽觸  
鼻香如送沾唇味許誇洞庭今夜夢峯頂細餐霞

露筋廟

高沙古殿夕陽鐘堦下行人醉酒濃夫婦大倫分脈絡  
網常終古藉彌縫委身讒口甘銷骨危坐清宵默整容  
精爽至今留髮社寶珠波面月溶溶

成雷不信聚如麻婉轉通宵佇曉鴉祇坐貪饗忘慘毒  
却從筋骨顯精華肝都化碧無餘血玉少完膚絕點瑕  
蝙蝠一生欣艷處英靈還結夜明砂

刪後詩存

卷之二

三

端午三首 存二

渡江虛鑄鏡弔屈一霑襟殘卷徒花眼多年負艾心麥  
蛾愁雨積繭虎却風淫佳節看人賞蒸榴插滿簪  
平山橫畫卷鴛水佇詩筒黍角緣誰綠榴巾爲客紅別  
離同命鳥寥廓信天翁回首曹娥渡鄉關午夢中

雨牕

披卷南牕坐涼飈拂拂來荷花應自愛浪向雨中開

刁魚二首

郭翻投水誰能拾怕是專諸賸禍胎柳綫乍垂鉛可剖

波紋如網玉輕裁  
雨枯試遣屠龍去  
青斷還憑破鯉來  
莫笑刻舟虛覓劍  
烹鮮猶見刃恢恢

春江閃閃揭烟津  
金錯分明數席珍  
義府笑中潛領味  
曹瞞提處慣欺人  
利從錐末爭趨市  
聲出庖餘自剖鱗  
不是衛生還欠密  
由來有齒定焚身

千里題釣臺圖

沈穎朗道人畫

垂紳不愛愛垂綸  
一代風規領富春  
正是故人情厚處  
漢家元有不臣臣

題金山圖

刪後詩存

卷之十

四

怒濤春鏡竅拳石  
堵金山百戰餘波  
在千秋橋一鷺閒

留雲無客領得月  
載誰還自笑頻呼  
檝松林未掩關

七月朔夜夢莘臯

千里月無迹  
雙魚江渺然  
秋風蘇病骨  
微雨淡遙天  
燈暗堦蟲語  
魂飛夢蝶翩  
故人知好在  
頭白兩年前  
相逢各揮涕  
情事殆衰年  
有客戕坐柏  
何人買祭田  
盟心如白水  
薄植負皇天  
夢覺雞聲亂  
南牕雨颯然

秋聲次韻

獨枕高眠處  
無端觸耳驚  
轉因羣籟息  
頓覺旅魂清  
色



色非關色聲聲乃有聲騷人多感悵認是不平鳴

題雪漁雪船吟

古柏蒼蒼挺十尋廿年交訂歲寒心隱然天地關休戚  
別有精神貫古今野鹿不侵蕉雨夢明蟾還照雪船吟  
白頭夙約仇湖在君撫龍泉我抱琴

榆錢

飛來天上一無聲鶯眼東皇巧鑄成辨臭非銅應似母  
鑄心無孔謬稱兄風拋個個從蛙戲雨洗田田息蚓爭  
多少食皮眼未穩可能買笑慰呼庚

刪後詩存

卷之十

五

六朝松四首存三

兀立皇畿飾偉觀二千年外一凭欄甲枯霜白龍如蛻  
根老苔蒼虎互蟠不雜後天真氣在幾經亡國鏡心寒  
憑誰醉展鸞溪絹寫與遺民拭涕看

無心化石日流脂入地光明珀裏著天下五釵都北面  
塵中三鬣少南枝蕭條宏景分栽處惆悵淵明獨撫時  
有分把茆聊托蔭長鏡傍爾劖靈芝

試問蒼髯歷幾傳翠濤隱隱徹旻天語寒黃鶴知吾壽  
服氣青牛縱爾仙眼見新亭揮淚日傷心辱井抱頭年

可憐老大終無用，匠石頻過意黯然。

美人蕉

紛披占綠天，婀娜笑嫣然。玉頰烘朝日，芳心捲暮烟。露  
涵樊素口，書抵薛濤箋。修竹猶憐汝，彈章汰一聯。

蝴蝶花

開破漆園夢，蘼蘼與神遇。只恨情生根，向風飛不去。

偶感

日暮朔風急，重雲障遠天。孤槎欲何往，飄泊大江邊。

寄從子

兼呈梅津雪漁

刪後詩存

卷之十

六

思爾那能寐，高軒臥雪清。眼空書滿架，髭短句稀成。一  
嬾諸緣絕，孤懷片月明。惟應畫梅叟，跨蹇入山城。

雪漁頻晤否，半載一鴻艱。十里猶遼濶，三江却等閒。易

撈湖底月難寫，夢中山間訊憑猶。子秋高未減顏。

鏡佛寺

卽二十四橋故址

磬響旃檀海，簫聲廿四橋。寂喧非兩候，榮悴本同條。鏡  
鑄眞成錯，兵銷或鎮妖。捨身知不惜，流澤聽農謠。

孔融臺

魯國何男子，東京此丈夫。一坏爭下拜，臺在高士坊九級仰。



雄圖巢覆名逾烈，魂歸貌甚都。君看銅雀瓦，終古墨痕污。

董子祠

凜凜春秋大義存，災祥徵應更丁寧。學醇兩漢推儒者，文煥三垣應景星。淮水鯨脰餘間氣，蜀岡龍盡特鍾靈。不窺園是無雙士，何待瓊花始建亭。

一指墓

吳爾璵嘉興人，與史閣部同殉節。先是友人祝淵歸浙，爾璵斷一指寄父，後棺燬，家人遂以一指葬焉。

刑後詩存

卷之十

七

一指血津津，津封還謝老。親殺青崇死節，化碧遂成仁。爾璵集死節諸公各為贊名曰仁書。南向松枝挺，冬寒柏葉新。勝他千馬鬣，全骨少完人。

王載揚過齋喜賦

頭白強為客，歸與復繫舟。酒顏斑似竹，詩骨瘦于秋。羨子還家好，諸孫遶膝稠。六朝徵舊典，燈火說揚州。

霽月荷

本名佛座蓮

菊之最可愛者，託于空門，誤矣。更其名曰霽月荷。

是誰佞佛說，恒河我錫嘉。名霽月荷，粟里濂溪雙皎潔。

一輪千瓣雪婆娑

四賢祠

在通州祀范文正胡安定岳武穆文文山

誰將將相合師儒  
俎豆輝煌僻在隅  
兩宋盛衰傷過客  
一朝文武壯名都  
鐘鳴恍惚金牌促  
潮響如聞戰鼓驅  
秋夜海門孤月上  
湘簾同照淚模糊

宋行宮

自草荒烟野燒空  
隋行宮外宋行宮  
建炎駐蹕疎鐘雨  
崇政掄材落葉風  
二勝環應懸腦後  
三條帶已斷淮東  
一作一佳士  
已喪寰中 只留丹碧精忠廟  
古柏鴉啼夕照紅

刪後詩存

卷之十

八

次韻答慕迂見懷

東南湖曲鯉魚灣  
旭日瞳矐未啟關  
吳楚燕齊遊歷歷  
青黃碧綠悟般般  
紫薇花好長供案  
白水泉甘不出山  
諫果只今回味在  
漁竿那肯悔投閒

漢高帝廟

布衣崛起拯窮黎  
雲覆真人芒屨低  
三尺斷蛇歸帝者  
五年逐鹿泣虞兮  
越呼銷印機何捷  
漫答分羹語不稽  
自是英雄多鬱鬱  
達情無王佐指岐迷

金都監墓



都監名應從文丞  
相對王没于通州

一劍崎嶇共死生如何中路隕瑤星勤王不分黃旂捲  
厲鬼猶騰血馬腥月照狼山濤滾滾春寒雪窖草青青  
何年改葬金都監認取前和七小釘

再叠韻題薦青山人生藏

藤笠何心薄惠文偶然丹頂立雞羣詩雄矯翼騫秋隼

書妙奇峰吐夏雲無可如何修尚史尚史 爲青著空諸所有

築生坟他年手澤留餘蔭多種青青抱節君

三叠薦青山人韻

刪後詩存

卷之十

九

焦明曉上草奇文冀北江南惜離羣太白盃中多得月

香山足下漸生雲皮囊不是三彭宅尸解何煩五尺坟

尚有賞音髯老在余自號鑑水老髯漫教未死破桐君

蝶兒菊木名俗稱

未有僧前花作何名去地反其瓣天然紫蝴蝶  
也兩鬢拳然較木蝴蝶花更肖戲作一絕雪之

更其名曰蝶兒菊僧初入中國踏足自武后幸馮小保合爲僧始命宮人製冠履罷之

名花安識野狐師貌似如何履蝶之簡莫天生玉蝴蝶

好憑纖手揭袍兒

留別徐生侶村

種種離懷眼欲酸  
蕪城更覺別君難  
一般心事都相照  
兩地家書每互看  
或去或留何者是  
墨來墨往總無端  
幾時並種連林竹  
鍵戶貓頭共飽餐

廬青山人寄詩筵次答

直北連沙漠盤山一座尊  
夕陽依古戍落葉響空村  
朱鳳翔天表青猿守洞門  
夢中唐棣什花影見翩翻

黃石公廟

墮履偶來呼孺子  
幾回圯上故踟躕  
一椎不悞非奇士  
六籍都灰有素書  
豈是神仙矜狡獪  
爲他君相酌盈虛  
功成辟穀飄然去  
敢負先生默啟予

卷之十

十

雜感寄雪漁十二首

存六

乞食吳門未買簫  
支頤且復望金焦  
孤雲一片南飛驟  
東白樓頭手爲招

南轅北轍違心客  
東食西眠兩袒人  
奈有臥龍撐巨眼  
不呼徐庾是降臣

何用啖鴉知黑白  
憑他相馬判驪黃  
秋深幾朶清霜菊  
自洗羹瓶味古香

魚菜客居中下界  
鵲梅詩在宋元間  
偶題鵲梅絕句揚  
人曰此真是宋元



也蠻童怪我忘家久畫個啼鵲上筆山  
謀生何術窮龜卜起死無方惱獸醫說與雲林輕著墨  
畫儂袖手看山時

心粗只恐顏唐去詩熟還從動忍來舉示故人投一七  
莫因躁迹棄凡材

換韻再答沈俠安

髻斑歷盡世途艱意外相逢一展顏鷓首又從星子轉  
客心無奈月兒彎折來隋苑憐新柳夢到香爐似故山  
白鹿只今遺蹟在搜羅仗爾訂愚頑

刪後詩存

卷之十

十一

東友杉從弟

無依親串伺簷雀不肖兒孫過峽龍指困實慚聊欵接  
傳經有待且包容

青鳥家云龍有過峽處極微薄而自  
此十里廿里偏結大地者不可忽也

病起寄慰雪漁

一死憑誰殮重生更寄書遙知新慟哭得此轉踟躕沈  
凍梅蘇候凝霜竹挺餘還山猶有日同煮雪中魚

寄戚時霖

帶水過從數于今命棹難異鄉愁雪阻同病怯春寒調  
息關元運澄心冥沸瀾明年寒食雨海角話辛酸

寄沈南谷

捷足人爭說詩名與祖齊看松龍入想戲水鳴爲題宵  
課呼頑稚晨炊代替妻夢來方說苦殘月五更雞

兩東門

月高竹下吟聲朗雪霽墻間畫稿呈此味與誰參妙諦

兩東門掩一蕪城

種菜

一官安肯畫百可寄情深慘淡斯民色艱難老圃心霜  
甜豚減味土薄蠹休侵誰使英雄嬾終年抱甕吟

刪後詩存

卷之十

三

寄何炳黃

不到花南久徒繁兩髻霜病餘詩尙健家遠夢俱忘積

雪徵三白寒松憶萬蒼

萬蒼山紫雲先生故居

何時尋舊約海月

構茆堂

許季覺構先生祠未成而燬

方嗅蘭花朗行書到

小牕明霽色矮杖卓蒼苔淨几幽香發良朋諫草來道

心通鼻觀靈藥保嬰胎愛我如君者魚書幾箇裁

寒食寄從子欽陶

欲住元無謂言歸未有期寄將寒食淚灑向石楠枝



一綫通天任所之青雲得路日遲遲何難放手真癡漢  
不惜臺頭是小兒暮雨漸濃應蚤計春風雖好不長吹  
君看勁翮摩霄鶴尙有燐毛下鼎時

答虎林程翰士

河南推世胄天竺識遺賢病染相如渴詩成急就篇雁  
聲江外朗山色雨中娟可有金焦興同呼鴨嘴船

筆筒

玉立如斑筍呼來不上床書家湯沐邑史館退休堂拔

刪後詩存

卷之十

三

萃愁空谷藏鋒慎處囊千秋成塚後法物配烝嘗

聾

發言都不省稱去聲作阿家翁吾老危前月丞昏敗乃公

是非差省事渾噩想遺風木石深山坐相忘淡漠中

睡魚戲咏四首 存三

金魚別種矮身鱗腹紅白燦爛徜徉波間

古莽化身來華胥喚不同醉醒憑客玩死活悞兒猜淺

浪微舒鬣斜陽久曝腮恩波從圍圍法網正恢恢

用詐成天性耽慵學水仙狎鷗分一夢愛柳借三眠此

子疲如許夫君劇可憐  
狂奴方向汝休逞腹便便  
僞竊希夷訣橫陳碧藻邊  
逍遙眞樂國粉飾太平年  
癡福叨天縱忘機結睡緣  
公然傳謬種撒子億千千

榆錢次韻

獨覺揚州濫吹來  
十萬緡脂膏肥厠鬼揮霍  
仗風神官鑄難懲詐虛聲  
竊賑貧到頭都化土誰假復誰眞

再疊韻

頗似磨輪廓充庭欲朽緡  
兄靈多乞母鬼使定通神  
入袖俄盈貫粘鞋不蓋貧  
此間風尙別種種不宜眞

刪後詩有

卷之十

古

咏史

湖上晴雲憇古松  
栖霞楓冷葉初紅  
將軍墓下歸牛晚  
空有烏金溺牧童

隻雞尊酒山中乏  
袖裏彈章媚相公  
五十九賢登僞籍  
匡山結果一帆風

心田五首

種玉養良苗程功百歲遙  
上農勤耜耨瘠土亦堪穰  
豐歉天難主陰晴氣善調  
宋人今日病昨夜在迎貓

穀種無多子幾希  
一點青莫令叢莠長  
陰仗姍神靈南



畝占秋兆東方是歲星農經憑默誦一寸勒箴銘

鹵莽吾真悔霜顛一情農煩愁催賽社奴泣憐殘冬勤

媿泥忙燕功輸蜜養蜂稔年猶菜色何以禦奇凶

非種鋤難盡荒媵袖手行濫叨之者粟

張莘臯許醇夫二公時惠米

已絕後人耕隣屋聞春籟吾廬嘆癸庚妄思瓜果利遺

業枉紛更

老去誰供養呼天淚滿巾有田成曠土何語謝先人莫

便推輶轡終須耐苦辛疲牛猶可策犁雨及三春

秦始皇

刪後詩存

卷之十

五

諸子飛灰六籍塵可知天意喪斯文長城亘古華夷界

列國于今郡縣分大賈化身嫪毐續祖龍仙骨鮑魚蒸

阿房焦土誰憑弔十二金人涕泗沆

異唱廟二首

即英烈夫存一

芳名惜惜君何惜惜此芳名兩大中英烈馨香崇祀典

風流裙屐走詩翁階前不長于心妓

地膚草別名于心妓

沙上常

鳴獨宿鴻天寵纏頭作題額年年殿角曉霞紅

寄題曉巢

此巢此曉此乾坤宋玉何勞賦小言無內之中原莫破

隻身以外向誰論  
蚊鬣蚋翼全家寄  
蠹腦雞肝至味存  
借我一枝抄近稿  
剖將纖芥納崑崙

竹衫

淇園風味挾冰霜  
骨節珊珊汗亦香  
何可此君無一襲  
儼從神女泛三湘  
虛心徹底蘇隆暑  
百竅通靈透晚涼  
誰說芙蓉根最爽  
結繩穿粟總尋常

釘碗四首 存一

失聲成一悔  
作達強無聊  
縫判花猶合  
鋒銛黜未消  
縱能完百碎  
已不屬全窰  
况敢頻疎忽  
重令客氣驕

刪後詩存

卷之二

夫

彈棉花戲次韻

儼然漁叟釣蘆花  
貧女篝燈待紡紗  
乍見雪堆三寸薄  
忽看雲起半身遮  
比他挾纊功彌廣  
况以鳴琴譜却差  
多少彈章官愈起  
諫垣佳話屬劉家

明末相劉吉因彈章更進秋人號為

劉棉花以其愈彈愈起也

題映石軒將樂石 王氏

雪舟曾載雪歸來  
閃閃寒光玉斨臺  
月皎白燐清寫照  
雨深不敢濫生苔  
此君以外新盟友  
太始之前絕點埃  
好約中秋千里棹  
百篇醉爾水精盃



偶得聯語綴而成詩得十八首

存八

補鍋漏眼熬猶泣釘碗傷痕痛自知  
缺陷九州天不惜零丁一世我何之  
有眼硯田當贈友無兒文集屬何人  
不如束捲歸爐燼免使鱗裁障牖塵  
名似鹿蕉尋客夢樂惟雞黍逮親存  
樹原耽靜因風撼纓不忘瀾奈水渾

熱腸夢友三更雨冷面看人  
六月秋好景值愁空賦媚  
新衣逢棘悞勾留

刪後詩存

卷之十

七

枝葉太繁愁本撥齒牙先做感柔存  
爵高靈草來生塚貧極春風不到門

兩手並書文各異五官同用意常閒  
新篁得雨凌前輩

落葉禁風總下山

蕨蘗同餐徒得苦薰猶並處或霑香  
醉宜死化陶家土

老莫生除漢殿郎

捉機藏腹無窮禍片語傷心不共仇  
恩怨相尋何了局

利名兩字合雙鉤

讀史七言中截寄雪漁三十首

存十  
一首

變雅一生偏憤激離騷兩地各沉吟披襟久擬承君淚  
剖腸何時納我心風雨曾隨我轍車  
東白樓頭醉六經  
毛義貪官方合義沈忠弒主却全忠此間裁酌原無我  
莫溷經權誤乃公  
神道鬼謀饒變相生前來世嚇愚兒東牕事發寃曾雪  
中土波沉悔總遲

甚事不因忙後錯何言敢學醉時狂卅年未判人禽界

刪後詩存

卷之二

六

五夜重參死活方

隨身錘在終非達入核錐深亦太慳不惠不夷何者是  
亦儒亦釋介其間

眼當穿處牕間蝨手到熟時錢孔油蝙蝠竟能爭晝夜  
螻蛄偏自富春秋

藕絲忍斷蓮心苦筍節先含竹格高名教由來關夏鼎  
詩文元不直秋毫

烟花不訪真娘墓風浪曾經妬婦津納室釀錢原僅事  
生兒借婢更何人



貧不可醫由自取老知難免太相催燒殘永夜三條燭  
撥轉寒爐一寸灰

有義氣人無意氣極鍾情者解忘情林間軟語幽禽坐  
天外修眉淡月橫

桐鄉潘懷宸北行過齋索題望嶽圖

秦松漢柏憑誰問玉几金床總寓言只解遠尋鄒魯迹  
岱宗咫尺是揚園

寄汪津夫三絕存一

都無望碍茆堂火別有沉吟藥圃荒寂莫半生醫國手

刪後詩存

卷之十

尤

大潮東去月茫茫

琴艇駕湖三首存二

心驅神遇櫓遲遲綠綺沙棠合製奇來傍響泉如有意  
去隨流水欲何之過橋須急防膠柱把釣常閒易續絲  
晚泊柳陰三弄後螿螂偏值捕蟬時

黃帽何心巧削桐輕鬆脆滑着低篷黑蛟騰出因詩激

白雪飛來傍酒融絃急似緣斜日牽去尾焦錯怪暮霞

烘歸風送遠當清夜入鬼船頭刺許通

得薦青山人詩時中風初醒不能辨草體

草書渾不解浪說是專門注想真如夢通靈宛與言交  
情垂死日天意再生恩倘許重酬唱升堂仔細論

得雪漁書

遺稿憑誰託如何瞋目時半身已化鬼一足尙行屍死  
友重生我殘魂更攝之書來喜流涕扶杖問南枝

寄從子

萬仞牛屯碧新阡柏葉森汝癡猶刻劍我哭未忘簪死  
所知何在家鄉入夢尋遠懷難盡寫江水五更深

寄懷徐侶郊

刪後詩存

卷之十

十

羨爾雲間住呼名伴鴨羣老夫幾枉死殘稿與俱焚宿  
草無煩哭新松未買坟莫嫌遺矢憊翼鏃是將軍

寄仲廷佐贈病前手卷

百鬼頻催去皇天失降棺不知添幾歲空復費三餐絕  
筆臨危托全神要靜觀他年揮淚客應識賞音難

寄金方行

歲除不買廣陵船臘雪侵凌上座氈家在幽湖鴻未達

夢尋遯野繭重圓

去冬在遯野  
作繭圓歌

祇緣獨足占王課

一足  
跛

欲展雙眉待卯年二月邗江水早泮來賞春釀落梅前



寄借亭

風水相遭兩厄屯與君追述一酸辛大家吃盡生前苦  
各自抽來死後身我更龍鍾同棄物喜無鬼魅敢侵人  
朗行前年溺水死而復生以爲鬼迷餘年努力爭磨礪肯便頽唐痛飲醉

寄贈薦青山人

濁世佳公子今誰似爾雄好名三代下立節百年中雲

水期無玷塵埃洗一空羊牛登堊日誰問客星翁

山人  
生壙

詩云幸不將身玷  
水雲余爲作碑文

華陀廟

刪後詩存

卷之十

五

爲漢誅奸賊先生實有心何曾誇妙技亦不少神針非  
命傷孤鳳長生戲五禽君看今廟食銅雀莽蕭森

揚州竹枝詞

充飢畫餅聊相慰掩耳偷鈴且自瞞傀儡當場羣喝采  
風花滿地獨憑欄

答慎堂見懷舊作二首

頗嗜爲文枉白頭了無健筆逞韓歐暮天雪緊茶烟凍  
倏地春融杏粥稠世路任誰爭雉犢生涯久已老蝸牛  
跛翁末疾還無碍恬淡逢人試祝由

矮杖三首

存一

一從跛後藉卿卿，墨水重山放膽行。  
草木收爲親骨肉，山人呼親兄弟顛危仗此老。師生隨身短鋪，曾何戀託命長鏡。  
尙有情數擬勒銘愁腕，力化龍只恐趁雷鳴。

得小女含芝書

聞汝題孤鳥，經年不寄來。  
去年作孤鳥悲鳴詩不寄怕緣多病後，頓使寸心摧。書到防人拆，家貧望客回。  
阿娘今六十，雙髻

雪鬢毬

問心寄雪漁

刪後詩存

卷之十

五

問心多默疾，論世我何慙。秋竹當清曉，明蟾下碧潭。  
證賊羣鬼怒，知命一窮甘。有分耽幽壑，探奇雪竇南。

寄雪漁甲乙丙殘稿求訂定

那溝一脉溯湖臺，曲木須經大匠門。  
甲乙以來先甲乙，刪存之後又刪存。  
了無形迹橫歧見，別有精神待細論。  
密語子桑真愛我，祝融峯下與招魂。

家山入夢一漁蓑，寒食青青柳漾波。  
東白樓晴停雪舫，西王母近隔銀河。  
九原遺恨精靈泣，窮海知音笑語多。  
左筆斜封三太息，鷓鴣雲外喚哥哥。



留別從弟友彬

惜別緣衰病無言忍淚多不知重見否敢問倘來麼難  
弟金同斷佳兒玉待磨幼子頗慧肩輿莫催發細看醉顏酡

懷祝人齋滇中

邗上吾猶怯君胡萬里行村醪香過麴土餅軟于秔山  
數碧雞秀聲傳孔雀清桑蓬誇壯志生死見交情問其主人沒於官

亞夫塚

老坡亦復推人傑三袂鴻門奈沐猴玉斗零星空狗葬

刪後詩存

卷之二

十三

銅章刊弊孰封侯彭城疽發龍雷火垓下離亡馬鬣收  
千古知人疇第一英雄成敗土饅頭

卽事

驛馬印官誰作主賓鴻領子未歸宗囊中錢澁誰供養  
法海年年聽暮鐘

雙社湖

湖雨湖烟長蚌胎湖中水鳥上荒臺寶珠一去無消息  
淡月孤篷自往來

東禪寺

一約三秋悞招提入夢虛  
蘭篁鳴獨鳥璧月定游魚  
病欲依初地貧還戀客車  
古梅牕畔雪待我意何如

賦得紙錢飛作白蝴蝶二首

夫去隨他到夜臺幾番跌宕徘徊  
衞家遺魄風驚散莊老前身火鑄來  
似有若無空覓影漫天委地總成埃  
白楊寒食濛濛雨孤塚何人熱化灰  
村裏來時陌上停桃花白點柳葱青  
了無粉本從空畫何處銀錢巧幻形  
栩栩草頭欵麥飯飄飄烟際逐芻靈  
黃泉多少忠魂泣幾箇蟬吟拜墓庭

剛後詩存

卷之十

三

壽寫青山人六十

補丙寅冬作

坤月微陽澗不冰  
曉巢恍惚夢中登  
平頭六十初何忝  
越齒三齡憊可憎  
天地無窮名與匹  
江河共挽力誰勝  
九宵倘踐南來約  
攜手鷹窠合璧昇

山人十月廿一日  
生至三十日日

合璧正  
九宵云

補

蘭花豆和韻

五椽剪出碎零星  
季女門東潔漑蓄  
思肖淋漓虛寫辦  
湘纍涕泣枉披心  
猝何能辦經牙脆  
久不聞香觸鼻深





